

ხელშეკრულების პირობების საბოლოო ვარიანტი დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში

სახელმწიფო შესყიდვის შესახებ

ელექტრონული ტენდერი აუქციონის გარეშე

სამუშაოს შესყიდვა

ქ. ზესტაფონი

----- 2018წ.

ერთის მხრივ, ზესტაფონის მუნიციპალიტეტის.....სახით (მისამართი ქ. ზესტაფონი წერეთლის ქ. № 11) (შემდგომში შემსყიდველი) და მეორეს მხრივსახით (შემდგომში – შემსრულებელი) სახელმწიფო შესყიდვების შესახებ კანონმდებლობისა და მომწოდებლის სატენდერო წინადადების საფუძველზე , № სპა..... ელექტრონული ტენდერის ჩატარების შედეგად ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებული ტერმინთა განმარტება

- 1.1 “ხელშეკრულება სახელმწიფო შესყიდვის შესახებ” (შემდგომ – “ხელშეკრულება”) შემსყიდველ ორგანიზაციასა და ერთეულებს განმარტებულ ელექტრონულ ტენდერში გამარჯვებულს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 “მიმწოდებელი” ნიშნავს პირს, რომელმაც მოიპოვა გამარჯვება ელექტრონულ ტენდერში და ახორციელებს მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.
- 1.6 „მომსახურება” – ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ტექნიკური დოკუმენტაცია” – მიმწოდებლის მიერ სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2 ხელშეკრულების საგანი

2.1 ხელშეკრულების საგანია სამუშაოს შესყიდვა კლასიფიკატორის კოდი 45233000– დაფინანსების წყარო – სახელმწიფო ბიუჯეტით საქართველოს მთავრობის 18.01.2018 წლის #136 განკარგულებით 95 % და 2018 წლის ადგილობრივი ბიუჯეტის თანადაფინანსებით 5 %.

3. შესყიდვის ობიექტი

3.1 დანართის მიხედვით- ქ. ზესტაფონში 26 მაისის ქუჩის რეაბილიტაცია , ქ. ზესტაფონში ფალიაშვილის ქუჩისა და ფარნავაზის პირველი ჩიხის სარეაბილიტაციო სამუშაოების შესყიდვა

4. ხელშეკრულების ღირებულება

4.1 ხელშეკრულების საერთო ღირებულებაალარი- რგფ-სახელმწიფო ბიუჯეტიდანლარი
თანადაფინანსება ადგილობრივი ბიუჯეტილარი

4.2 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა და სახელმწიფო შესყიდვების შესახებ” საქართველოს კანონის და „ ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების მოთხოვნათა გათვალისწინებით. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

5. მხარეთა ვალდებულებები და მიწოდების ვადა

5.1 მიმწოდებელი ვალდებულია:

ა) უზრუნველყოს წინამდებარე ხელშეკრულებით გათვალისწინებული სამუშაოების დასრულება 2018 წლის
ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
გ) უზრუნველყოს წინამდებარე ხელშეკრულებით გათვალისწინებული სამუშაოების შესრულება- კვალიფიციური პერსონალით, სამშენებლო ნორმების და წესების დაცვით .
დ) ვალდებულია სამუშაოები ჩაატაროს სატენდერო დოკუმენტაციით გათვალისწინებული მოცულობების, ნახაზებისა და პირობების შესაბამისად წარმოადგინოს სამუშაოთა შესრულების შესახებ ფორმები, რომლებიც ასახავენ შესრულებული სამუშაოს მოცულობასა და ღირებულებას (შემდგომში „ფორმა №2”)

ე) სამუშაოს დასრულებიდან 5 წლის განმავლობაში რაიმე წუნი აღმოჩენის შემთხვევაში, თუ დადგინდება, რომ აღნიშნული წუნი გამოწვეულია მომწოდებლის მიზეზით, მომწოდებელი ვალდებულია აღდგენითი სამუშაოები საკუთარი ხარჯებით უზრუნველყოს.

ვ) უზრუნველყოს ხელშეკრულებით გათვალისწინებული სამუშაოების შესრულება კალენდარული გეგმა-გრაფიკის მიხედვით, რომელიც აგრეთვე გამოსახული უნდა იყოს თანხობრივად (ლარებში)

ზ) შემსრულებელმა უნდა აწარმოოს სამუშაოთა წარმოების ზონარგაციონალური, დანომრილი ხელშეკრულების ორივე მხარის მიერ დამოწმებული ჟურნალი.

თ) სამუშაოების მიმდინარეობის პროცესში უზრუნველყოს შრომის უსაფრთხოების ტექნიკის დაცვა, უზრუნველყოს სამუშაო ადგილის შემოფარგვლა და დამცავი გამაფრთხილებელი თვალსაჩინოების და სინათლის ამრეკლი შუქნიშნების დაყენება. აუცილებელია უსაფრთხოების ტექნიკის, საწარმოო სანიტარიისა და ხანძარსაწინააღმდეგო წესების დაცვა.

ი) უზრუნველყოს სამუშაო ადგილის ფარგლებში მდებარე ხეებისა და მცენარეების სიცოცხლისუნარიანობა, ეკოლოგიური ზემოქმედების მინიმუმამდე დაყვანა.

კ) განახორციელოს ფარული სამუშაოების ვიდეო და ფოტო გადაღება. სამუშაოთა წარმოების ყველა ის ეტაპი, რომელიც ითვლება დაფარულ სამუშაოდ „მიმწოდებელი“ ვალდებულია დაისწროს „შემსყიდველის“ შესაბამისი კომისიის წარმომადგენლები. „შემსყიდველის“ ინფორმირება აღნიშნული წარმომადგენლების გამოყოფის შესახებ უნდა უზრუნველყოს თავად „მიმწოდებელმა“ წინააღმდეგ შემთხვევაში, შესრულებული სამუშაოები, „შემსყიდველი“-ს მხრიდან არ ანაზღაურდება, თავის მხრივ შპს „საინჟინრო მონიტორინგის ჯგუფის“ წევრები ვალდებული არიან დროულად უზრუნველყონ დაფარული სამუშაოების მიმდინარეობაზე დასწრება და აღრიცხვა, რათა ხელი არ შეეშალოს „მიმწოდებელს“ სამუშაოთა დროულად და ეფექტურად განხორციელებაში.

ლ) ყველა სახის მოსამზადებელი სამუშაოს დაწყება შეთანხმებული უნდა იყოს მუნიციპალიტეტის შესაბამის სტრუქტურულ ერთეულთან.

მ) სამუშაოს დასრულების შემდეგ შემსრულებელი თავისი ძალებით და სახსრებით 10(ათი) დღის ვადაში ვალდებულია გაათავისუფლოს სამუშაო ადგილი სამშენებლო მოწყობილობა-დანადგარებისგან, მასალებისგან, დროებითი ნაგებობებისგან, სამშენებლო ნარჩენებისგან.

ნ) -შემსრულებელი ვალდებულია სათანადოდ დაიცვას ყველა შენობა, ნაგებობა, დანადგარი, კომუნიკაციები დაზიანებისაგან და გაფუჭებისაგან ხელშეკრულების მოქმედების პერიოდში. შემსრულებელმა უნდა მიიღოს ყველა საჭირო ზომა შენობის, ნაგებობის, მილსადენების, კაბელების, კანალიზაციის და სხვა კომუნიკაციების დასაცავად.

ო) არსებული ინფრასტრუქტურის დაზიანების შემთხვევაში შემსრულებელი ვალდებულია აღდგენითი სამუშაოები ჩაატაროს საკუთარი ხარჯებით.(ხიდი, ბოგირი, გზა და ა.შ.)

პ) შემსრულებელი ვალდებულია გზების არსებული, მიმდინარე და საბოლოოდ შესრულებული სამუშაოების ფოტო-გადაღება წარმოადგინოს როგორც მყარ ისე ელექტრო ვერსიით.

5.2 შემსყიდველი ვალდებულია:

- ა) უზრუნველყოს ობიექტის მზადყოფნა სამუშაოების დასაწყებად;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.
- გ)

6. განხორციელებული სამუშაოების ხარისხი და გარანტია.

6.1 შესრულებული სამუშაოს საგარანტიო ვადა ვრცელდება საბოლოო მიღება-ჩაბარების აქტის გაფორმებიდან 5 წლის განმავლობაში.

6.2 ამ მუხლის 5.1 პუნქტით განსაზღვრულ საგარანტიო ვადის განმავლობაში შემსყიდველის მიერ წუნის გამოვლენის შემთხვევაში, მიმწოდებელი ვალდებულია შემსყიდველის წერილობითი შეტყობინებით დადგენილ ვადებში მოახდინოს წუნის გამოსწორება.

6.3 -შემსრულებელს მოეთხოვება სამუშაოების მაღალი ხარისხით, სტანდარტებით და ნორმების დაცვით შესრულება.

6.4 „მიმწოდებელმა“ უნდა წარმოადგინოს ხარისხის საკონტროლოდ გამოყენებული ბეტონის ნარევის მარკანობის ლაბორატორიული დასკვნა, ბეტონის ნარევის გამოცდის შედეგები. (მათი ხარისხი უნდა შეესაბამებოდეს საპროექტო დოკუმენტაციით განსაზღვრულ ნორმებს.)

7. ხელშეკრულების შესრულების კონტროლი

7.1 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე, მათ შორის სამუშაოების ხარისხის პერიოდული კონტროლი.

7.2 ინსპექტირებას განახორციელებს

7.3 მიმწოდებელი ვალდებულია, საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა

8. სამუშაოს მიღება-ჩაბარების წესი

8.1 შესრულებული სამუშაოს მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელის მოწერით, ინსპექტირების განმახორციელებელი პირის დადებითი დასკვნისა და მიმწოდებლის მიერ წარმოდგენილი ფორმა №2-ის საფუძველზე.

8.2 გაუთვალისწინებელი თანხების გამოყენება მოხდება მხოლოდ დამკვეთის (შემსყიდველის) ნებართვით, მისივე ინიციატივით ან მიმწოდებლის მიერ დასაბუთებული და არგუმენტირებული წინადადების განხილვისა და შეთანხმების საფუძველზე დამკვეთის (შემსყიდველის) სათანადო გადაწყვეტილების მიღების შემდეგ

9. ანგარიშსწორება

9.1 ანგარიშსწორების ვალუტა _ ლარი;

9.2 ანგარიშსწორების ფორმა _ უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.3 იმ შემთხვევაში თუ ტენდერში ელექტრონული ვაჭრობის შედეგად შემსრულებლის მიერ სისტემაში დაფიქსირებული საბოლოო ფასი 20%-ზე დაბალია შესყიდვის ობიექტის სავარაუდო ღირებულებაზე, შემსყიდველ ორგანიზაციას უფლება აქვს მოითხოვოს ხელშეკრულების შესრულების გარანტია 2%-დან 10%-მდე ოდენობით. თეთრ სიაში დარეგისტრირებული მომწოდებლის შემთხვევაში აღნიშნული ოდენობა ნახევრდება.

-იმ შემთხვევაში, თუ ტენდერში, ელექტრონული ვაჭრობის შედეგად პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა, შემსყიდველი ორგანიზაციის მოთხოვნიდან, სამუშაო დღის ვადაში უნდა უზრუნველყოს ფასწარმოქმნის ადეკვატურობის ან/და ამ ფასად ტენდერით გათვალისწინებული ვალდებულების შესრულების შესაძლებლობის დასაბუთება. შემსყიდველის მიერ განსაზღვრულ ვადაში ფასწარმოქმნის ადეკვატურობა უნდა დაასაბუთოს (წარმოადგინოს/ატვირთოს) სსსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული ექსპერტიზის დასკვნით. -იმ შემთხვევაში, თუ დასკვნის გამცემი ორგანო არ იქნება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“, პრეტენდენტმა დამატებით უნდა წარმოადგინოს ექსპერტიზის განმახორციელებელი პირის შესაბამისი აკრედიტაციის სერთიფიკატი (აკრედიტაციის სფერო უნდა ფარავდეს მოთხოვნილ მომსახურებას)

9.5 -ანგარიშსწორება მოხდება ეტაპობრივად მომწოდებლის წერილობითი მომართვის საფუძველზე. (მაგრამ არანაკლები შესრულებული სამუშაოს 20 %-ისა.) შესრულებული სამუშაოების (ფორმა 2) , შპს „საინჟინრო მონიტორინგის

ჯგუფის" დადებითი დასკვნის , მერიის ინსპექტირების ჯგუფის დასკვნის და მიღება-ჩაბარების აქტის საფუძველზე. შპს „საინჟინრო მონიტორინგის ჯგუფის"-მომსახურეობის ანაზღაურებას იხდის შემსყიდველი.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზის შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება, აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

11. ხელშეკრულების პირობების შეუსრულებლობა

11.1 წინამდებარე ხელშეკრულების 4.1 პუნქტის “ა” ქვეპუნქტით გათვალისწინებული სამუშაოთა დასრულების ვადების გადაცდენის შემთხვევაში ყოველ ვადაგადაცილებულ დღეზე მიმწოდებელს ეკისრება პირგასამტეხლო სახელშეკრულებო ღირებულების 0.5 % ოდენობით.

11.2 მომწოდებელი ვიდრე არ აანაზღაურებს პირგასამტეხლოს შემსყიდველმა დააკავოს აღნიშნული თანხა და პირდაპირ იქნეს მიმართული ზესტაფონის მუნიციპალიტეტის ბიუჯეტში.

11.3 დაუძლეველი ძალის გარდა „მომწოდებელი“-ს მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში ან/და თვითნებურად შეწყვეტის შემთხვევაში მომწოდებელი გადაიხდის ხელშეკრულებით გათვალისწინებული თანხის%-ოდენობას.

12. ხელშეკრულების შეწყვეტა

12.1 შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

12.2 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

12.3 ხელშეკრულების ცალკეული პირობების მოქმედების შეწყვეტა არ ანთავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

12.4 იმ შემთხვევაში თუ ხელშეკრულებით გათვალისწინებული პირგასამტეხლო მიაღწევს მთლიანი სახელშეკრულებო ღირებულების 3%-ს შემსყიდველს უფლება აქვს ცალმხრივად შეწყვიტოს ხელშეკრულება.

12.5 ხელშეკრულების (სრული ან ცალკეული ნაწილის) შეწყვეტის კანონით დადგენილი წესით დადასტურების შემთხვევაში „მომწოდებელი“ გადაიხდის პირგასამტეხლოს, სახელშეკრულებო თანხის %-ის ოდენობით.

13. ხელშეკრულებაში ცვლილებების შეტანა

13.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

13.2 თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

14. დავების გადაწყვეტა

14.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

14.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

15. ხელშეკრულების მოქმედების ვადა

- 15.1. წინამდებარე ხელშეკრულება ძალაში შედის ხელშეკრულებაზე ხელის მოწერის დღიდან და მოქმედებს 2018 წლის 31 დეკემბრის ჩათვლით.
- 15.2. ამ ხელშეკრულების 5.1 „ე“ ქვეპუნქტის მოქმედების ვადა ძალაშია საგარანტიო ვადის მოქმედების პერიოდში.

16. ფორს-მაჟორი

16.1 წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

16.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

17. სხვა პირობები

ხელშეკრულება შედგენილია ქართულ ენაზე,.....ეგზემპლიარად , რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე .

18. მხარეთა რეკვიზიტები: